



Concello de Mugardos
(A Coruña)

Número expediente.- 612/2025

Trámite.- Dilixencia texto proxecto tomado en consideración

Dilixencia.- Esténdese a presente dilixencia para facer constar o texto do proxecto de Regulamento de Saúde e Benestar do concello de Mugardos tomando en consideración para inicio da fase de audiencia e información pública por Resolución Alcaldía n.º 2025-0983, de 11 de agosto de 2025:

“Regulamento do Consello de Saúde e Benestar Social de Mugardos

EXPOSICIÓN DE MOTIVOS

I

O concello de Mugardos asume como principio rector da súa actividade, facilitar a participación da veciñanza na vida local. Principio recollido na lexislación básica sobre réxime local (artigo 69.1º da Lei 7/1985, de 2 de abril, de Bases do Réxime Local) como manifestación do máis amplo consagrado no artigo 9.2º da Constitución.

Para tal efecto dotouse dun Regulamento de participación cidadá (BOP n.º 53, de 18.03.2013), e modificacións (BOP n.º 229, de 02.12.2016), polo que se desenvolven as previsións da devandita Lei 7/1985, de 2 de abril, de Bases do Réxime Local e correlativos da Lei 5/1997, de 22 de xullo de Administración Local de Galicia e no Real Decreto 2568/1986, de 28 de novembro, de Organización, Funcionamento e Réxime Xurídico das Entidades Locais.

Unha das áreas nas que pese a non posuir competencias ou servizos de prestación obrigatoria, afecta de xeito decisivo á veciñanza é a que atinxe á saúde e todo os aspectos dela derivados e dependentes que acolle o concepto de benestar individual e social e que deben ser coordinados.

A Lei 14/1986, de 25 de abril, Xeral de Sanidade asume entre os obxectivos da organización sanitaria, o fomento da participación comunitaria a través de diferentes órganos. E igualmente a Lei 8/2008, de 10 de xullo, de saúde de Galicia asume como liña estratéxica da sanidade galega, participación e implicación dos profesionais, pacientes e conxunto da sociedade, a transparencia na xestión, a equidade e o equilibrio territorial dos servizos, contemplado a creación de órganos de participación social (artigo 23) así como a íntima interdependencia entre ambas áreas e o fomento de actuacións integrais (artigo 136).

Dentro do obxecto da Agenda 2030 e os obxectivos de desenvolvemento sostible se incardina a necesidade de garantir unha vida sana e promover o benestar en todas as idades.





Concello de Mugardos
(A Coruña)

E entre os retos que asume a estraxexia española, acabar coa pobreza e a desigualdade ou revitalizar o medio rural e afrontar o reto demográfico.

O Concello de Mugardos promove así a creación do Consello Municipal de Saúde e Benestar Social como órgano consultivo de participación cidadá, co obxectivo de avanzar cara a políticas públicas máis xustas, eficaces e orientadas ao ben común no ámbito sanitario e social.

Nun contexto no que a saúde é entendida como un ben colectivo que vai máis alá da atención sanitaria —abranguendo o benestar físico, mental e social da veciñanza— resulta necesario crear espazos de diálogo e colaboración entre administracións, profesionais e a cidadanía organizada.

II

O consello sectorial de saúde e benestar social do concello de Mugardos parte do marco normativo e principios de referencia para ser instrumento que permita a súa materialización, como administración máis cercana á cidadanía, coordinando a nivel local ditas áreas de actuación, identificando necesidades para promover e escalar ata as Administracións competentes, actuacións e programas que permitan a súa satisfacción e a acción pública integral.

Para estes efectos, o Regulamento ten por obxectivo:

- Promover a participación social e da veciñanza en materia de saúde e benestar.
- Fomentar espazos de debate para identificar necesidades da veciñanza.
- Promover a colaboración entre entidades locais, o Concello e a Xunta de Galicia.
- Asesorar no deseño de políticas públicas municipais en saúde e benestar.
- Realizar labores de información e sensibilización en saúde e no uso dos servizos públicos.

De forma asociada como posible impacto, asegurar a calidade de vida no entorno rural e contribuir ao freo do descenso demográfico.

III

Como norma e seguindo as directrices marcadas polo artigo 129 da Lei 39/2015, de 1 de outubro, de Procedemento Administrativo común das Administracións Públicas, recolle as disposicións mínimas que permitan a eficacia no seu funcionamento e a transparencia na súa actuación.





Concello de Mugardos
(A Coruña)

TÍTULO I DISPOSICIÓN XERAIS

1. Capítulo I: Disposicións Xerais

Artigo 1. Natureza

O Consello Municipal de Saúde e Benestar Social do Concello de Mugardos constitúese como un órgano de natureza consultiva de participación, consulta e asesoramento para a promoción de políticas locais que melloren a saúde e o benestar da veciñanza. Este órgano estará adscrito a concellería de asuntos sociais e busca integrar perspectivas cidadás, profesionais e institucionais nun marco de diálogo e corresponsabilidade.

Artigo 2. Réxime xurídico

O Consello rexerase polo presente regulamento e polas disposicións legais vixentes, incluíndo:

1. Ámbito estatal:

- Constitución Española (1978), artigos 9.2 e 43.
- Lei 14/1986, Xeral de Sanidade.
- Lei 7/1985, Reguladora das Bases do Réxime Local.
- Lei 39/2015, do Procedemento Administrativo Común.

2. Ámbito autonómico:

- Estatuto de Autonomía de Galicia (1981), artigo 27.
- Lei 8/2008, de Saúde de Galicia.
- Lei 13/2008, de Servizos Sociais de Galicia.
- Decreto 55/2004, de Participación Cidadá.

3. Ámbito local:

- Ordenanzas municipais de Mugardos relacionadas con saúde, benestar social e participación cidadá.

4. Capítulo II: Funcións do Consello

Artigo 3. Funcións principais





Concello de Mugardos
(A Coruña)

1. Participación cidadá:

- Fomentar espazos de debate para identificar necesidades da veciñanza.
- Promover a colaboración entre entidades locais, o Concello e a Xunta de Galicia.

2. Propostas e avaliacións:

- Asesorar no deseño de políticas municipais en saúde e benestar.
- Avaliar proxectos e iniciativas

3. Información e sensibilización:

- Organizar campañas de información e educación sanitaria.
- Divulgar boas prácticas no uso dos servizos públicos.

Artigo 4. Ámbito de actuación

O Consello actuará dentro do termo municipal de Mugardos, e tratará asuntos coincidentes no ámbito das súas competencias municipais de saúde pública podendo colaborar con outros organismos a nivel provincial, autonómico ou estatal.

TÍTULO II: RÉXIME ORGANIZATIVO

1. Capítulo III: Organización e composición

Artigo 5. Estrutura organizativa

1. Pleno do Consello:

- Presidencia: Alcaldía ou persoa en quen delegue.
- Vicepresidencia: concelleiro/a delegado/a de servizos sociais ou persoa en quen delegue a alcaldía.
- Secretaría: Persoa con funcións administrativas sen dereito a voto.
- Representantes: Grupos políticos, entidades sociais, profesionais do Centro de Saúde e cidadáns maiores de 16 anos.

2. Comisións de traballo:





Concello de Mugardos
(A Coruña)

- Permanentes ou temporais para abordar cuestións específicas.

Artigo 6. Funcións da Presidencia:

- Representar ó Concello no Consello Municipal de Saúde.
- Ostentala máxima representación do Consello.
- Presidilo Consello Municipal de Saúde sen prexuízo das facultades do alcalde e do Pleno do Concello.
- Elevarlles ós órganos municipais competentes os acordos adoptados pola asemblea xeral, así como toda a información canalizada a través do Consello Municipal de Saúde.
- Coordinación das comisións de traballo.
- Canalizar os traballos e achegas das diferentes comisións para o Pleno.
- Convocalas sesións plenarias .
- Preparala orde do día das sesións plenarias.
- Elaborar anualmente o borrador de programación xeral do Consello de Saúde para a súa aprobación polo pleno do consello.

Artigo 7. Funcións da Vicepresidencia:

- O/A Vicepresidente/a será o/a Concelleiro/a da área de Sanidade e asumirá as atribucións do/a Presidente/a en caso de ausencia, vacante ou doenza.

Artigo 8. Funcións da Secretaría:

- Exercerá a Secretaría o/a Secretario/a Xeral do Concello, quen poderá delegar en persoal municipal. O/a Secretario/a actuará con voz, pero sen voto.
- Correspóndenlle ó/á secretario/a as seguintes funcións:

— Efectuar a convocatoria das sesións do Consello Municipal de Saúde, por orde da Presidencia ou Vicepresidencia, no seu caso, así como as notificacións aos membros do mesmo.

— Elaboración de informes xurídicos das cuestións que se consideren necesarias e que estean comprendidas nas competencias do consello.





Concello de Mugardos
(A Coruña)

- Elaborar as actas das sesións do Consello Municipal e remitirlas ós membros deste.
- Expedir certificacións dos acordos que se adopten.
- Calquera función inherente ó seu cargo que lle sexa encomendada pola Presidencia.

Artigo 9. O Pleno do Consello

1. O Pleno é o máximo órgano e de representación de goberno, estará formada polos seguintes membros:

- O/A alcalde/sa do Concello de Mugardos
- O/A concelleiro/a de Servizos sociais.
- O/A concelleiro/a que teña atribuídas as competencias en sanidade.
- Un/unha representante de cada partido político con representación no Pleno municipal, agás o grupo de goberno.
- Dous representantes das asociacións que teñan rexistrado como tales no rexistro municipal como asociación e teñan nos seus estatutos recollidas estas funcións.
- Un/unha representante dos Centros de Atención Primaria do Concello de Mugardos
- O/A Secretario/a do consello municipal de Saúde

Artigo 10. Funcionamento do pleno

1. Convocatorias:

- Ordinarias: Unha vez ao semestre.
- Extraordinarias: A proposta da presidencia ou un terzo dos membros.
- A duración máxima das sesións será de 1,5 horas.
- Os estudos, propostas e informes emitidos polo Consello son de carácter informativo e con fins consultivas, non vinculantes.

2. Quórum:

- Mitade máis un dos membros do pleno, incluíndo a presidencia.





Concello de Mugardos
(A Coruña)

3- A convocatoria das sesións ordinarias e extraordinarias do Pleno realizarase cunha antelación mínima de 72 horas, acompañada da orde do día.

4- A orde do día do pleno

Fixarao o/a presidente/a, detallando os asuntos para tratar e as propostas das comisións de traballo que se lle unirán á convocatoria e remitiránelles a tódolos membros do Consello Municipal de Saúde.

5. De cada Pleno redactarase acta, que será aprobada na seguinte sesión, quedando en poder do presidente/a e a disposición de tódolos membros do consello, ós que lles enviará posteriormente unha copia.
6. Os acordos adoptaranse por maioría simple; no caso de empate considerarase o voto de calidade do/a presidente/a.
7. A baixa voluntaria ou a non asistencia continuada dun membro do Pleno, obrigará ó sector elector a substituílo. Para tal efecto, cada sector preverá a elección de substitutos.
8. Ás sesións de Pleno e das comisións de traballo poderán asistir, con voz pero sen voto, aqueles técnicos ou profesionais que polo seu labor ou experiencia se considere oportuna a súa participación, trala invitación do Consello Municipal de Saúde.

Artigo 11. Comisións de traballo

1. No seo do Consello Municipal poderán crearse, por acordo do Pleno do Consello Municipal de Saúde, diferentes comisións de traballo, en función das prioridades que se establezan.
2. As comisións de traballo teñen como función a de analizar e informar sobre os asuntos remitidos para o seu estudo polo pleno.
3. Poden participar nas comisións de traballo tódolos membros das entidades legalmente constituídas e/ou persoas que pola súa profesión ou vinculación á sanidade, poden contribuír ós obxectivos da comisión.
4. Formará parte das comisións de traballo, ademais dos membros que se propoñan no propio pleno, un/ha vogal compoñente do pleno do Consello Municipal de Saúde, elixido/a por maioría simple desta que actuará como coordinador/a, asumindo as funcións de dirección, impulso e coordinación das actividades e reunións das comisións de traballo.
5. O Pleno ratificará ou censurará as propostas presentadas polas comisións de traballo.





Concello de Mugardos
(A Coruña)

TÍTULO III PRINCIPIOS XERAIS DE FUNCIONAMENTO E ACTUACIÓN

1. Capítulo IV: Transparencia e publicidade

Artigo 12. Publicidade

- As actas, informes e convocatorias serán publicadas na páxina web do Concello ou por outros medios.

Artigo 13. Información e participación externa

- Poderán ser convidados/as expertos/as ou representantes de entidades relacionadas coas materias tratadas.
- Adherirse á **Rede Galega de Promoción da Saúde (REGAPS)** do SERGAS para a promoción da saúde

Capítulo V: Disposición adicional

A constitución do Pleno do Consello Municipal de Saúde farase no prazo de dous meses desde a publicación deste Regulamento no BOP.

1. Capítulo VI: Disposicións finais

Disposición final O presente Regulamento unha vez aprobado definitivamente polo Pleno da Corporación, entrará en vigor unha vez se publique o seu texto íntegro no Boletín Oficial da Provincia e transcorra o prazo de 15 días hábiles a partir da súa publicación”.

Segundo.- Levar a cabo a realización da fase de audiencia e información pública á que se refire o artigo 133 da Lei 39/2015, de 1 de outubro, de procedemento administrativo común das Administracións Públicas segundo ficha Anexo, durante o prazo de dez días hábiles, previa Resolución ditada para tal efecto.

Terceiro.- Proceder a publicar anuncio comprensivo da finalidade do trámite que inclúa no Espazo de participación cidadá do Portal de internet municipal no que a veciñanza e colectivos implicados poderán realizar a súas achegas así como no taboleiro de anuncios da sede electrónica e no Portal de transparencia do concello.”

Mugardos, á data da sinatura dixital á marxe.

A secretaria,

Paula E. Ramos Díaz





Concello de Mugardos
(A Coruña)

